

元宵节古诗

1.
星河明淡，春来深浅。红莲正、满城开遍。禁街行乐，暗尘香拂面。皓月随人近远。天半鳌山，光动凤楼两观。东风静、珠帘不卷。玉辇将归，云外闻弦管。认得宫花影转。——李持正《明月逐人来》
2.
繁灯夺霁华。戏鼓侵明发。物色旧时同，情味中年别。浅画镜中眉，深拜楼西月。人散市声收，渐入愁时节。——刘克庄《生查子·元夕戏陈敬叟》
3.
拨雪寻春，烧灯续昼。暗香院落梅开后。无端夜色欲遮春，天教月上宫桥柳。花市无尘，朱门如绣。娇云瑞雾笼星斗。沉香火冷小妆残，半衾轻梦浓如酒。——毛滂《踏莎行·元夕》
4.
客路那知岁序移，忽惊春到小桃枝。天涯海角悲凉地，记得当年全盛时。花弄影，月流辉，水晶宫殿五云飞。分明一觉华胥梦，回首东风泪满衣。——赵鼎《鹧鸪天·建康上元作》
5.
小桃枝上春风早，初试薄罗衣。年年乐事，华灯竞处，人月圆时。禁街箫鼓，寒轻夜永，纤手重携。更阑人散，千门笑语，声在帘帏。——李持正《人月圆·小桃枝上春风早》
6.
火树银花合，星桥铁锁开，灯树千光照。明月逐人来。游妓皆秣李，行歌尽落梅。金吾不禁夜，玉漏莫相催。——苏道味《正月十五夜》

7.
正怜火树千春妍，忽见清辉映月阑。出海鲛珠犹带水，满堂罗袖欲生寒。
。烛花不碍空中影，晕气疑从月里看。为语东风暂相借，来宵还得尽余欢。
——唐顺之《元夕影永冰灯》
8.
春雨细如尘，楼外柳丝黄湿。风约绣帘斜去，透窗纱寒碧。美人慵翦上元灯，
弹泪倚瑶瑟。却上紫姑香火，问辽东消息。——朱敦儒《好事近·春雨细如尘》
9.
紫府东风放夜时。步莲秣李伴人归。五更钟动笙歌散，十里月明灯火稀。
。香苒苒，梦依依。天涯寒尽减春衣。凤凰城阙知何处，寥落星河一雁飞。
——贺铸《思越人·紫府东风放夜时》
10.
三年此夕无月光，明月多应在故乡。欲向海天寻月去，五更飞梦渡鲲洋。
。——丘逢甲《元夕无月》
11.
有灯无月不娱人，有月无灯不算春。春到人间人似玉，灯烧月下月如银。
。满街珠翠游村女，沸地笙歌赛社神。不展芳尊开口笑，如何消得此良辰。
——唐寅《元宵》
12.
明月一轮虚画屏，春寒催雨下空庭。江南过尽无人识，留得梅花试眼青。
。——荒漠之旅《元宵无月》
13.
听元宵，往岁喧哗，歌也千家，舞也千家。听元宵，今岁嗟呀，愁也千家，怨也千家。
。那里有闹红尘香车宝马？祇不过送黄昏古木寒鸦。诗也消乏，酒也消乏，
冷落了春风，憔悴了梅花。——王磐《古蟾宫·元宵》

14.

玉漏铜壶且莫催，铁关金锁彻夜开；谁家见月能闲坐，何处闻灯不看来。
。——崔液《上元夜》

15.

千门开锁万灯明，正月中旬动帝京。三百内人连袖舞，一时天上著词声。
。——张祜《正月十五夜灯》

16.

元宵似是欢游好。何况公庭民讼少。万家游赏上春台，十里神仙迷海岛。
。平原不似高阳傲。促席雍容陪语笑。坐中有客最多情，不惜玉山拚醉倒。
。——苏轼《木兰花令·元宵似是欢游好》

17.

比拟寻常清景别，第一团圆时节。影蛾忽泛初弦，分辉借与宫莲。七宝
修成合璧，重轮岁岁中天。——纳兰性德《清平乐·上元月蚀》

18.

桂花香馅裹胡桃，江米如珠井水淘。见说马家滴粉好，试灯风里卖元宵。
。——符曾《上元竹枝词》

19.

接汉疑星落，依楼似月悬。别有千金笑，来映九枝前。——卢照邻《十五夜观灯》

20.

满城灯市荡春烟，宝月沉沉隔海天。看到六鳌仙有泪，神山沦没已三年
！三年此夕月无光，明月多应在故乡。欲向海天寻月去，五更飞梦渡鲲洋。
。——丘逢甲《元夕无月》

21.

袂服华妆着处逢，六街灯火闹儿童。长衫我亦何为者，也在游你笑语中。
。——元好问《京都元夕》

22.

火树银花元夕夜，彩灯万盏熠霞流。龙溪笑语连天际，凤垞欢歌满埠头。
华夏巍巍萦紫气，尧乡荡荡灿红楼。良辰美景多宏愿，圆月昭昭照九州。
——伯永《壬辰元宵夜咏》

23.

中山孺子倚新妆，郑女燕姬独擅场。齐唱宪王春乐府，金梁桥外月如霜。
——李梦阳《汴京元夕》

24.

闻道长安灯夜好，雕轮宝马如云。蓬莱清浅对觚棱。玉皇开碧落，银界失黄昏。
谁见江南憔悴客，端忧懒步芳尘。小屏风畔冷香凝。酒浓春入梦，窗破月寻人。
——毛滂《临江仙·都城元夕》

25.

今年元夕。探尽江梅，都无消息。草市梢头，柳庄深处，雪花如席。一尊邻里相过，也随分、移时换节。玉辇端门，红旗夜市，凭君休说。
——张孝祥《柳梢青·元宵何高士说京师旧事》

26.

千点寒梅晓角中，一番春信画楼东。收灯庭院迟迟月，落索秋千翦翦风。
鱼雁杳，水云重，异乡节序恨匆匆。当歌幸有金陵子，翠斝清尊莫放空。
——杨慎《鹧鸪天·元宵后独酌》

27.

月满蓬壶灿烂灯，与郎携手至端门。贪看鹤阵笙歌举，不觉鸳鸯失却群。
天渐晓，感皇恩。传宣赐酒饮杯巡。归家恐被翁姑责，窃取金杯作照凭。
——佚名《鹧鸪天·月满蓬壶灿烂灯》

28.

香翻桂影烛光薄，红沁榆阶宝靺匀。群品欣欣增气色，太平依旧独闲身。
——赵时春《元宵饮陶总戎家二首》

29.

一片风流，今夕与谁同乐。月台花馆，慨尘埃漠漠。豪华荡尽，只有青山如洛。钱塘依旧，潮生潮落。万点灯光，羞照舞钿歌箔。玉梅消瘦，恨东皇命薄。昭君泪流，手捻琵琶弦索。离愁聊寄，画楼哀角。——汪元量《传言玉女·钱塘元夕》

30.

万家灯火闹春桥，十里光相照，舞凤翔鸾势绝妙。可怜宵，波间涌出蓬莱岛。香烟乱飘，笙歌喧闹，飞上玉楼腰。——盍西村《小桃红·江岸水灯》

31.

故园今夕是元宵，独向蛮村坐寂寥。赖有遗经堪作伴，喜无车马过相邀。——王守仁《元夕》

本文链接：<https://duanjuziku.com/duanjuzi/nzermt1i7i.html>